

BOSNA I HERCEGOVINA
FEDERACIJA BOSNE I HERCEGOVINE
VLADA

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ВЛАДА

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Broj: 04-04-1104/2022
Sarajevo, 16.09.2022. godine

FEDERALNO MINISTARSTVO ZDRAVSTVA

**ZAVOD ZA JAVNO ZDRAVSTVO
FEDERACIJE BOSNE I HERCEGOVINE**

PREDMET: Zahtjev za pristup informacijama

Poštovani,

U prilogu Vam, u skladu sa nadležnostima, proslijeđujem *Zahtjev za pristup informacijama*, BOSS-Bosanske stranke, od 08.09.2022. godine, koji je putem emaila dostavljen dana 08.09.2022. godine.

Napominjemo da se Federalnom ministarstvu zdravstva navedeni Zahtjev dostavlja u dijelu koji se odnosi na alineje od 1 do 5, a Zavodu za javno zdravstvo Federacije Bosne i Hercegovine u dijelu koji se odnosi na 6. alineju Zahtjeva.

S poštovanjem,

SEKRETAR VLADE

mr.sc. Edita Kalajdžić

Prilog: kao u tekstu

Co: BOSS-Bosanska stranka
gosp. Mirnes Ajanović
Kojšino 7
75000 Tuzla

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO ZDRAVSTVA

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF HEALTH

Broj:01-33- 5690 /22
Sarajevo, 09.09.2022.godine

Federalno ministarstvo zdravstva, temeljem čl. 4. i 14. Zakona o slobodi pristupa informacijama u Federaciji Bosne i Hercegovine ("Službene novine Federacije BiH", broj 32/01 i 48/11), rješavajući po zahtjevu Mirnesu Ajanoviću, ul. Kojšino 7, 75 000 Tuzla, d o n o s i

RJEŠENJE

1. Odobrava se Mirnesu Ajanoviću, ul. Kojšino 7, 75 000 Tuzla, pristup informaciji koju je tražio od Federalnog ministarstva zdravstva.
2. U Federalnom ministarstvu zdravstva postoji jedno Stručno savjetodavno tijelo za imunizaciju. Stručno savjetodavno tijelo za imunizaciju Federalnog ministarstva zdravstva (u daljem tekstu: tijelo) je imenovano na temelju člana 64. stav 2. Zakona o zaštiti stanovništva od zaraznih bolesti (Službene novine Federacije BiH" 29/05. Tijelo pruža stručnu pomoć federalnom ministru u vezi sa razvojem politike obaveznih imunizacija, sa posebnim osvrtom na: strategiju imunizacije; analizu i provedbu zacrtanih ciljeva u višegodišnjem strateškom planu imunizacije; procjenu podataka, dokumenata i materijala u pogledu provedbe Programa obaveznih imunizacija na svim nivoima, kao i njegovim finansijskim implikacijama; izboru, sigurnosti i raspodjeli vakcina i mogućim kontraindikacijama. Članove tijela iz stava 1. i 2. člana 64. imenuje federalni ministar iz reda istaknutih stručnjaka. Rješenjem broj: 01-33-3419-1/19 od dana, 28.11.2019.godine federalni ministar zdravstva je imenovao tijelo kojeg čine stručnjaci iz oblasti zdravstva relevantni za imunizaciju (specijalisti pedijatrije, specijalisti epidemiologije, specijalisti neuropedijatrije, specijalisti infektologije, magistri farmacije). Ministar, odnosno ovlaštena osoba imenuje članove tijela vodeći računa da to budu istaknuti stručnjaci iz navedenih oblasti koji imaju iskustva u procesu imunizacije, da budu zastupljeni predstavnici uposleni na svim razinama zdravstvene zaštite i za koje smatra da će navedeni posao obavljati stručno, savjesno i efikasno. Rješenje o izmjenama i dopunama Rješenja o imenovanju Stručnog savjetodavnog tijela za imunizaciju Federalnog ministarstva zdravstva broj: 01-33-3419-2/21 od dana, 24.11.2021.godine je trenutačno na snazi i isto dostavljamo u prilogu ovog Rješenja. Tijelo, pored praćenja Programa obavezne imunizacije u Federaciji BiH, ima i zadatak kreiranja preporuka u vezi raspoloživih cjepiva protiv COVID-19, a u svjetlu Naredbe o proglašenju epidemije zarazne bolesti COVID-19, broj:01-33-3997/20 od 20.jula 2020 („Službene novine Federacije BiH, broj 48/20), te Pravilnika o izmjenama i dopunama Pravilnika o načinu provođenja obavezne imunizacije, imunoprofilakse i hemoprofilakse protiv zaraznih bolesti, te o osobama koje se podvrgavaju toj obavezi („Službene novine Federacije BiH, broj 12/21, 47/21 i 69/21).

Shodno navedenom, Stručno savjetodavno tijelo za imunizaciju Federalnog ministarstva zdravstva je neovisno tijelo Federalnog ministarstva zdravstva, donosi neovisna i stručna mišljenja i preporuke, te nije praksa da se na dokumente stavlja potpis, niti pečat. Međutim, na sjednicama Tijela se vode zapisnici koje potpisuje predsjedavajući tijela nakon usvajanje od strane većine članova. Do sada su sva mišljenja i preporuke usvojene jednoglasno. U takvoj formi (potpisani zapisnici od strane predsjedavajućeg Tijela koji potvrđuje sve odluke) se putem popratnog akta dostavljaju u Kabinet ministra Federalnog ministarstva zdravstva. Nakon uvida u isto, preporuke i mišljenja se uz popratni akt, potpisan od strane ovlaštene osobe za potpisivanje (ministar ili osoba po ovlaštenju Vlade F BiH) u Federalnom ministarstvu zdravstva dostavljaju kantonalnim ministarstvima zdravstva u Federaciji Bosne i Hercegovine.

Obrazloženje

Mirnes Ajanović, predsjednik BOSS, ul. Kojšino 7, 75 000 Tuzla, obratio se ovom Ministarstvu sa zahtjevom za pristup informacijama vezano za informacije o radu Stručnog savjetodavnog tijela za imunizaciju Federalnog ministarstva zdravstva.

Postupajući po predmetnom zahtjevu, odobren je pristup informacijama iz djelokruga nadležnosti, sukladno odredbama Zakona o slobodi pristupa informacijama u Federaciji Bosne i Hercegovine ("Službene novine Federacije BiH", broj 32/01 i 48/11).

Slijedom navedenog odlučeno je kao u izreci ovog rješenja.

Protiv ovog rješenja može se podnijeti prigovor federalnom ministru zdravstva (Titova br. 9, 71 000 Sarajevo) u roku od osam dana od primitka rješenja.

Po ovlaštenju Vlade FBiH
POMOĆNIK MINISTRA

Prim. dr. Marina Pera



PRILOG: kao u tekstu

DOSTAVLJENO:

- Naslovu;
- Evidenciji;
- Arhivi.

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO ZDRAVSTVA

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF HEALTH

Broj: 01-37- 3419-1 /19
Sarajevo, 28.11.2019. godine

Federalni ministar zdravstva, rješavajući po službenoj dužnosti, u predmetu imenovanja Stručnog savjetodavnog tijela ministarstva za imunizaciju, temeljem člana 64. stav 2. Zakona o zaštiti stanovništva od zaraznih bolesti („Službene novine Federacije BiH“ 29/05), a u vezi sa članom 200. Zakona o upravnom postupku („Službene novine Federacije BiH“, br.2/98 i 48/99), d o n o s i

RJEŠENJE

1. Imenuje se Stručno savjetodavno tijelo ministarstva za imunizaciju (u daljem tekstu Stručno savjetodavno tijelo ministarstva) u sljedećem sastavu:

1. Dr Amra Junuzović Kaljić, predsjedavajuća
2. Dr Sanjin Musa, član
3. Dr Blaško Topalović, član
4. Dr Lutvo Sponšević, član
5. Dr Vesna Hadžiosmanović, članica
6. Dr Ana Raguž Boban, članica
7. Dr Anisa Bajramović, članica
8. Dr Borko Rajić, član
9. Dr Emina Hadžimuratović, član
10. Mr.ph Sanja Čustović, član
11. Dženita Hukić, sekretar

2. Stručno savjetodavno tijelo ministarstva iz tačke 1. ovog rješenja imenuje se na period od četiri godine.

3. Federalni ministar zdravstva i predsjedavajući Stručnog savjetodavnog tijela imaju pravo angažirati vanjske eksperte s ciljem pružanja savjetodavnih usluga ovom tijelu po pitanju specifičnih tema, s mogućnošću sudjelovanja na sastancima.

4. Iz redova članova Stručnog savjetodavnog tijela ministarstva i pozvanih vanjskih eksperata, po potrebi i specifičnim temama, formirat će se Radne komisije čiji će se rad urediti posebnim Poslovníkom o radu.

5. Stručno savjetodavno tijelo ministarstva iz tačke 1. ovog rješenja za svoj rad je odgovorna federalnom ministru zdravstva, te je dužna dostavljati kvaratalni izvještaj o radu, a po potrebi i češće, ako za to postoji potreba.

6. Članovi Stručnog savjetodavnog tijela imaju pravo na naknadu za svoj rad, a čija visina će utvrđuje posebnim rješenjem federalnog ministra zdravstva.

6. Koordinaciju rada Stručnog savjetodavnog tijela obavlja Sektor za javno zdravlje, monitoring i evaluaciju (planira rad, saziva sjednice, dostavlja informacije ministru i sl.).

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO ZDRAVSTVA

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF HEALTH

7. Ovim rješenjem stavlja se van snage rješenje, broj: 01-37-3419/19 od dana, 20.05.2019. godine.

Obrazloženje

U cilju efikasnije implementacije Zakona o zaštiti stanovništva od zaraznih bolesti („Službene novine Federacije BiH“ 29/05) i unapređenja nadzora nad zaraznim bolestima, temeljem člana 64. Zakona o zaštiti stanovništva od zaraznih bolesti („Službene novine Federacije BiH“ 29/05), federalni ministar zdravstva imenuje Stručno savjetodavno tijelo ministarstva radi praćenja Programa obaveznih imunizacija protiv zaraznih bolesti i davanja stručne pomoći ministarstvu u vezi sa razvojem politike obaveznih imunizacija, sa posebnim osvrtom na strategiju imunizacije, analizu i provedbu zacrtanih ciljeva u višegodišnjem strateškom planu imunizacije, procjenu podataka, dokumenata i materijala u pogledu provedbe Programa obaveznih imunizacija na svim nivoima, kao njegovim finansijskim implikacijama, izboru, sigurnosti i raspodjeli vakcina i mogućim kontraindikacijama.

Stručno savjetodavno tijelo se imenuje na period od četiri godine, te ima pravo na nakandu za svoj rad, a čija će se visina utvrditi posebnim rješenjem federalnog ministra zdravstva. Ovim rješenjem se se stavlja van snage rješenje federalnog ministra zdravstva broj: 01-37-3419/19 od dana, 20.05.2019.godine.

Protiv ovoga rješenja može se izjaviti prigovor federalnom ministru zdravstva, u roku od 8 dana od prijema istog.



MINISTAR

Doc.dr Vjekoslav Mandić

DOSTAVITI:

1. Članovima komisije
2. Evidenciji
3. Arhivi

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO ZDRAVSTVA

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF HEALTH

Broj: 01-33- 3419-2 /21
Sarajevo, 24.11.2021. godine

Federalni ministar zdravstva, rješavajući po službenoj dužnosti, u predmetu imenovanja Stručnog savjetodavnog tijela ministarstva za imunizaciju, temeljem člana 64. stav 2. Zakona o zaštiti stanovništva od zaraznih bolesti („Službene novine Federacije BiH“ 29/05), a u vezi sa članom 200. Zakona o upravnom postupku („Službene novine Federacije BiH“, br.2/98 i 48/99), d o n o s i

RJEŠENJE

o izmjenama i dopunama Rješenja o imenovanju Stručnog savjetodavnog tijela za imunizaciju Federalnog ministarstva zdravstva

1. Točka 1. izreke rješenja broj: 01-37-3419-1/19 od dana, 28.11.2019.godine o imenovanju Stručnog savjetodavnog tijela za imunizaciju Federalnog ministarstva zdravstva (u daljem tekstu Stručno savjetodavno tijelo ministarstva) mijenja se i glasi:

1. Dr Sanjin Musa, predsjedavajući
2. Dr Amra Junuzović, član
3. Dr Blaško Topalović, član
4. Dr Lutvo Sporišević, član
5. Dr Vesna Hadžiošmanović, član
6. Dr Ana Raguž Boban, članica
7. Dr Anisa Bajramović, članica
8. Dr Borko Rajić, član
9. Dr Emina Hadžimuratović, član
10. Mr.ph Sanja Čustović, član
11. dr Almira Čosićkić, član
12. Dr Duško Anić, član
13. Dženita Hukić, sekretar

2. Preostali dio rješenja broj: 01-37-3419-1/19 od dana, 28.11.2019. godine ostaje na snazi.

Obrazloženje

U cilju efikasnije implementacije Zakona o zaštiti stanovništva od zaraznih bolesti („Službene novine Federacije BiH“ 29/05) i unaprijeđenja nadzora nad zaraznim bolestima, temeljem člana 64. Zakona o zaštiti stanovništva od zaraznih bolesti („Službene novine Federacije BiH“ 29/05), posebno u vrijeme pandemije SARS-COV-19, proglašene epidemije zarazne bolesti COVID – 19 („Službene novine Federacije

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO ZDRAVSTVA

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF HEALTH

19. proglašene epidemije zarazne bolesti COVID – 19 („Službene novine Federacije BiH“, broj 48/20, te Pravilnika o obveznoj imunizaciji u FBiH – 2021. godina sa svim izmjenama i dopunama, Federalno ministarstvo zdravstva je pristupilo izmjenama i dopunama Rješenja o imenovanju Stručnog savjetodavnog tijela za imunizaciju Federalnog ministarstva zdravstva broj: 01-37-3417-1/19 od dana, 28.11.2019.godine.

Kako je u međuvremenu bilo potrebno koontinuirano kreirati preporuke za dospelja cjeviva protiv Covida 19 u Federaciji BiH, te revidirati prioritetne skupine za cjepljenje sukladno dinamici cjepljenja, a Zavod za javno zdravstvo Federacije BiH je odgovoran za provedbu programa imunizacije, utvrđena je potreba za proširenjem članova, kao i izmjenu u predsjedavanju Stručnim savjetodavnim tijelom. Procjenjuje se uputnija potreba predsjedavanja od strane djelatnika Službe za epidemiologiju Zavoda za javno zdravstvo Federacije BiH. Služba za epidemiologiju Zavoda za javno zdravstvo F BiH raspolaže svim informacijama, te je najbolje upoznata o potrebi djelovanja na nivou Federacije BiH. Šef Službe za epidemiologiju Zavoda za javno zdravstvo F BiH je dr Sanjin Musa.

S tim u svezi, odlučeno je kao u dispozitivu ovog Rješenja o izmjenama i dopunama Rješenja o imenovanju Stručnog savjetodavnog tijela za imunizaciju Federalnog ministarstva zdravstva.

Preostali dio rješenja broj: 01-37-3419-1/19 od dana, 28.11.2019. godine ostaje na snazi.

Ovo Rješenje o izmjenama i dopunama je konačno i protiv njega se ne može izjaviti žalba, ali se može pokrenuti upravni spor kod nadležnog Kantonalnog suda, u roku od 30 dana od dana prijema istog, a u smislu člana 5. i 18. Zakona o upravnim sporovima („Službene novine Federacije BiH“, BR: 9/05).

po ovlaštenju Vlade F BiH
POMOĆNIK MINISTRA

Prim. dr. Marina Bera



DOSTAVITI:

1. Članovima tijela;
2. Evidenciji;
3. Arhivi.



BOSS – Bosanska stranka – Mirnes Ajanović • Adresa: Kojšino 7, 75000 Tuzla, BiH
Tel: 035/251-035 • Fax: 035/251-431 • Email: info@boss.ba

Vlada Federacije BiH
Ul. Hamdije Čemerlića 2,
71 000 Sarajevo, BiH

N/r premijera Fadila Novalića

Predmet: Zahtjev za pristup informacijama

Poštovani,

Pri Federalnom ministarstvu zdravstva djeluje Stručno savjetodavno tijelo za imunizaciju koje već par godina donosi preporuke vezane za zdravstvene mjere u cilju sprječavanja zaraze koronavirusom. Shodno prirodi tih preporuka – iste su od javnog interesa jer se odnose na sve građane FBiH, a pozivajući se na odredbe Zakona o slobodi pristupa informacijama u FBiH, molimo za sljedeće informacije:

- Da li postoje dva stručna savjetodavna tijela za imunizaciju u FMZ, jedno za preporuke u sprječavanju širenja koronavirusa, a drugo za ostale bolesti, ili se radi o jednom tijelu koje se bavi svim vrstama imunizacije?
- Na osnovu kojeg pravnog uporišta je uspostavljeno Stručno savjetodavno tijelo za imunizaciju pri FMZ?
- Ko i na osnovu kojih kriterija imenuje članove Stručnog savjetodavnog tijela za imunizaciju?
- Ko čini trenutne članove Stručnog savjetodavnog tijela za imunizaciju pri FMZ i kada su oni imenovani? – Molimo za dostavu odluke ili rješenja o imenovanju istih.
- Koje su ekspertize i kvalifikacije članova Stručnog savjetodavnog tijela za imunizaciju pri FMZ na osnovu kojih su izabrani u ovo tijelo?
- Zašto preporuke Stručnog savjetodavnog tijela za imunizaciju pri FMZ objavljene na web stranici Zavoda za javno zdravstvo FBiH nisu potpisane i nemaju pečat?

Napominjemo da na sve ranije upućene dopise i zahtjeve Zavodu za javno zdravstvo FBiH nismo dobili odgovor, pa molimo da imate na umu tu činjenicu u slučaju potraživanja određenog dijela informacija od navedenog zavoda. Kako smatramo da su odgovori na ova pitanja od javnog značaja, a jer informaciju o članovima Stručnog savjetodavnog tijela za imunizaciju pri FMZ nigdje nismo mogli pronaći, tražim blagovremen odgovor.

S poštovanjem,

U Tuzli 8.9.2022. godine

Mirnes Ajanović
Predsjednik BOSS-a

